

ԱԼԵՔՍԱՆԴՐ ԹԱՄԱՆՅԱՆԻ ԳՈՐԾՈՒՆԵՈՒԹՅԱՆ  
ՄԻ ԲՆԱԳԱՎԱՌԻ ԱՌԹԻՎ  
(Ըստ արխիվային փաստաթղթերի)

ՎԱՐԱՋԴԱՏ ՀԱՐՈՒԹՅՈՒՆՅԱՆ

Արխիվները, հիրավի, կատարյալ գանձատուն են: Դարակներին դասավորված թղթապանակներն ինչպիսի տեղեկություններ ասես, որ չեն պարունակում: Ափսո՛ս, որ դրանք մեծ մասամբ քիչ են Հայտնի դառնում հանրությանը:

Ահա թե ինչու, ողջունելի է «Ալեքսանդր Թամանյան» խորագրով փաստաթղթերի ու նյութերի լիակատար ժողովածուի լույս ընծայումը ՀՀ ԳԱԱ-ի հրատարակչության կողմից: Այն հրատարակչության է պատրաստվել ՀՀ նորագույն պատմության կենտրոնական պետական արխիվների տնօրեն, պատմ. գիտ. թեկնածու Արարատ Սարգսյանի, նույն արխիվի փոխտնօրեն, բանաս. գիտ. թեկնածու Էմմա Հովսեփյանի ու արխիվի բաժնի վարիչ Մարինե Մարտիրոսյանի համատեղ ջանքերով: Տասնամյակներ առաջ կազմված այս արժեքավոր ժողովածուն վերջապես լույս տեսավ<sup>1</sup>: Նրանում տարիների հաջորդականությամբ ներկայացվող փաստաթղթերը լույս են սփռում XX դարի մեծագույն ճարտարապետներից մեկի՝ Ալեքսանդր Թամանյանի բազմաբեղուն կյանքի ու դործունեության ոլորտների վրա<sup>2</sup>:

Ներկա հոդվածում նպատակադրվել էմ անդրադառնալ նշանավոր հայորդու գործունեության բնագավառներից միայն մեկին՝ մշակույթի և ճարտարապետության հուշարձանների պահպանության վերաբերյալ փաստաթղթերին, դրանք ներկայացնելով ըստ երկու փուլի:

Ա. Ռուսաստանում ապրած տարիներ:

Բ. Հայաստանում ապրած տարիներ:

Վերջինը երկու ենթափուլերով՝

– Առաջին Հանրապետության տարիներ:

– Սովետական ժամանակաշրջան:

Պետերբուրգում և Մոսկվայում իրականացված իր մեծատղանդ դործերով Հայտնի դարձած ու մեծապես գնահատված, 1914-ից Ռուսաստանի գեղարվեստի ակադեմիայի ակադեմիկոս, Պետերբուրգի արվեստի գործիչների նորաստեղծ միության նախագահ Ալեքսանդր Թամանյանը դեռ Պետերբուրգում գտնվելու ժամանակ հանդես եկավ ի պաշտպանություն մշակույթի և ճարտարապետության հուշարձանների, երբ 1917–1918 թթ.

1 Լույս է տեսել 2000 թվականին, տողերիս հեղինակի և ճարտարապետության թեկնածու Նարեկ Սարգսյանի խմբագրությամբ:

2 Լ. Ջ ո ղ ա ն. Հոդվածներ, փաստաթղթեր, ժամանակակիցները նրա մասին. Երևան, 1960:

Ռուսաստանում իրադրությունների փոփոխման կապակցությամբ, արվեստի գործերի նկատմամբ անհարիր վերաբերմունքի դեպքեր գրանցվեցին: Դրանց ավերումը կանխելու պարտականությունը ստանձնեց Ալեքսանդր Թամանյանի նախագահությամբ ստեղծված Պետերբուրգի արվեստի գործիչների միությունը:

Տեղեկանալով, որ Եկատերինոդար քաղաքում նպատակադրվել են հանել Եկատերինա Երկրորդ կայսրուհու բրոնզաձուլ արձանը, ձուլել ու դրանից հրանոթի պարկուճներ պատրաստել, քաղաքապետին ուղղված իր նամակում Թամանյանը պահանջում է անմիջապես կասեցնել գործողությունը, պատճառաբանելով, որ դա որպես արվեստի գործ ենթակա է պահպանման (փաստ. № 59)<sup>3</sup>: Նույնպիսի նամակով նա դիմել է Տագանրոգ քաղաքի քաղաքապետին՝ Ալեքսանդր Առաջին կայսրի արձանը հանելու կապակցությամբ (№ 60): №№ 62, 63, 64 փաստաթղթերից առաջինը վերաբերում է Օդեսա քաղաքի հուշարձաններին սպառնացող վտանգին, հաջորդը՝ պալատական արժեքավոր գույքի պահպանությանը, երրորդը՝ էրմիտաժի դրամագիտական հավաքածուում կրկնօրինակների վաճառքն արգելելուն: Կարևոր փաստաթուղթ է № 67-ը: Ա. Թամանովի, Կ. Ռոմանովի և Ս. Նասեդկինի ստորագրությամբ ժամանակավոր կառավարության վարչապետին ուղղված նամակում հարց է հարուցվում արգելելու արվեստի գործերի հոսքը արտասահման, դիմումին կցելով հեղինակների մշակած օրենքի նախագիծը: № 70 փաստաթուղթը նամակ է ուղղված Ա. Թամանյանին, որով խնդրում են իր միջամտությունը՝ դադարեցնելու համար իշխան Վոլկոնսկիներին պատկանող դաստակերտի զավթումը շրջակա գյուղացիների կողմից: «Սուխանովոյի մեծ տան բովանդակությունը, — նշված է նամակում, — գնահատվում է միլիոններով, ամռան ամիսներին Մոսկվայից ամենօրյա այցելուներ ունի, որին կարող է նախանձել ուզածը թանգարանը...»<sup>4</sup>:

№ 74 փաստաթուղթը ստորագրված է Ա. Թամանյանի կողմից ու թվագրված 1917 թ. նոյեմբերի 26-ով: Դա կոչ է հետևյալ բովանդակությամբ. «Արվեստի գործիչների միությունը համարելով, որ դեղաըվեստի բոլոր գործերը՝ նկարներ, մարմար, բրոնզ, կարասիք և այլն, հանդիսանում են ռուս ժողովրդի արժեքավոր սեփականություն, դիմելով բոլոր քաղաքացիներին, թախանձագին խնդրում է դրանք պահպանել փչացումից ու կորստից, աջակցություն ցուցաբերել նկարիչներին, քանզի նրանք իրենց պարտքն են համարում այդ գործերը փրկել կորստից»:

1917 թ. հոկտեմբերի 27-ով թվագրված № 75 փաստաթուղթը քաղվածք է արվեստի գործիչների միության նախագահության արձանագրությունից: Դրանում հիշատակված է Բ. Վ. Ֆարմակովսկուց, Վ. Ու. Դուբենցկուց և Կ. Կ. Ռոմանովից բաղկացած հանձնաժողովի ղեկուցագիրը Ձմեռային պալատում արվեստի գործերի նկատմամբ ցուցաբերած վայրագությունների մասին: № 76 փաստաթուղթը պարունակում է արվեստի գործիչների միության կոմիտեի լիազորների բողոքը էրմիտաժում պահվող ուկ-

3 Այսուհետև բուն շարադրանքում կնշվի միայն փաստաթղթի համարը:

4 Սուխանովո դաստակերտը հետագայում տրամադրված էր ԽՍՀՄ ճարտարապետների միությանը որպես հանգստի տուն:

րաինական ծագում ունեցող հավաքածուները Ուկրաինային հանձնելու կապակցությամբ: Այն թվագրված է 1917-ի նոյեմբեր ամսով: Վերը հիշատակված փաստաթղթերով վկայված է Ալեքսանդր Թամանյանի Պետերբուրգում իրականացրած եռանդուն գործունեությունը ի պաշտպանություն մշակույթի հուշարձանների:

Ընդառաջելով Հայաստանի Առաջին Հանրապետության կառավարության հրավերին, Ալեքսանդր Թամանյանը 1919-ին ընտանիքով փոխադրվում է Երևան: Միմոն Վրացյանն իր «Հայաստանի Հանրապետություն» գրքում նրան հիշատակում է որպես Հայաստանի Հանրապետության գլխավոր ճարտարապետ: Մի այլ փաստաթղթից տեղեկանում ենք, թե ինչ կապակցությամբ էր Ալեքսանդր Թամանյանը հրավիրվել Հայաստան: Դա դեկուցագիր է Երևանի վերակառուցման իր կողմից մշակած գլխավոր հատակագծի մասին: Ստանձնելով այդպիսի պարտականություն, նա Հայաստանում էլ հավատարիմ մնաց մշակույթի հուշարձանների պահպանության դեռևս Պետերբուրգում որդեգրած դերին:

«Ալեքսանդր Թամանյան» ժողովածուում գետեղված №92 փաստաթուղթը՝ տրված Ալեքսանդր Թամանյանի անունով, տեղեկացնում է, որ Թամանյանը Անի է մեկնում «գեղարվեստական խնդիրներով»: Առավել կարևորը №95 փաստաթուղթն է՝ ստորագրված Գարեգին եպիսկոպոս Հովսեփյանի (հետագայում՝ Մեծի Տանն Կիլիկիո կաթողիկոս), Ա. Թամանյանի ու Ա. Քալանթարի կողմից: Հայաստանի Հանրապետության հանրային կրթության և արվեստի նախարարությանը ուղղված համատեղ դիմումում հարց է հարուցվել «Հնությունների պետական պահպանության կոմիտե» կազմակերպելու վերաբերյալ: «Մեր պատմական հայրենիքում ամենուրեք սփռված հնապատմական հուշարձանները, — նշված է դիմումում, — որ հայ ցեղի հոգու և մտքի արտադրությունն են, նրա բազմադարյան կյանքի ապացույցները՝ հանդիսանում են հայ ժողովրդի գերագույն հարստությունը և նորանոր ստեղծագործությանց անսպառ աղբյուրը, նրա բոլոր սերնդների համար»:

Ընդառաջելով այդ դիմումին, վերոհիշյալ նախարարության համակարգում ստեղծվում է Հնությունների պահպանության բաժին՝ Ալեքսանդր Թամանյանի նախագահությամբ: Այդ մասին է վկայում հաջորդ №96 փաստաթուղթը: Դա գեկուցագիր է Թամանյանի ստորագրությամբ՝ ուղղված Հայաստանի Հանրապետության հանրային կրթության և արվեստի նախարարին՝ հնագիտական արշավախմբերի աշխատանքների կազմակերպման մասին: Զեկուցագրում նշված է. «Հնությունների պետական պահպանության դեռևս կազմվող կոմիտեն ներկայումս զբաղված է հնագիտական էքսպեդիցիայի կազմակերպման գործով: Այդ էքսպեդիցիան, որ աշխատելու է ամուսն ու աշնան սկզբին, գործունեության հետևյալ ծրագիրն ունի»:

Հիշատակված են չորս հիմնական ուղղություններ.

1. Հնությունների ամբողջական ցուցակագրում:
2. Հուշարձանների վիճակն ու դիմացկունությունների չափը:
3. Տեղային հնադարանների հիմնում:

\* ՀՀ ՊՊԿԱ, ֆ. 201, ց. 1, գ. 531:

4. Հսկողության կազմակերպում՝ հուշարձանների սլաշպանությունը նշանակված պահակների կողմից:

Այդ նպատակով, ծրագրվում է Հայաստանը բաժանել պատմա-հնագիտական 10 շրջանների: Դրանցից հատկապես կարևորվում են Անիի, Տեկոր-Թալինի, Արագածոտն-Քասախի, Կոտայքի և Լոռի-Փամբակի շրջանները: Զեկուցագրի վերջում ներկայացված է կոմիտեում աշխատող մասնագետների թվաքանակը և գիտական արշավանքների կազմակերպման կապակցությունը այն լրացնելու անհրաժեշտությունը:

Փաստորեն Հայաստանի պատմական հուշարձանների պետական պահպանության գործը հիմնադրվում է Առաջին Հանրապետության օրոք: Ալեքսանդր Թամանյանի նախագահությամբ ստեղծվում է Հայաստանի Հնությունների պահպանության կոմիտե, սակայն դրա գործունեության վերաբերյալ «Ալեքսանդր Թամանյան» գրքում այլ փաստաթղթեր չեն հանդիպում: Կոմիտեն հուշարձանների պահպանությունը դարձրեց պետական մտահոգության առարկա Հայաստանում սովետական կարգերի ստեղծման առաջին իսկ օրերից: Այդ են վկայում նաև այլ փաստաթղթեր: 1921 թ. սեպտեմբերին Հայաստանի նորաստեղծ կառավարության նախագահ Ալեքսանդր Մյասնիկյանի նախաձեռնությամբ ստեղծվեց Հնությունների ու գեղարվեստական հուշարձանների պահպանության կոմիտե՝ Մարտիրոս Սարյանի գլխավորությամբ: Մեծանուն հայրերին 1921–1922 թթ. սկիզբ դրեց հայ ժողովրդի հոգևոր մասունքների հավաքման, ցուցակագրման և պահպանման գործին: Նա հետամուտ եղավ Թիֆլիսի թանգարան փոխադրված Անիի հնագիտական արշավախմբի հայտնաբերած դրամները, իրերը, խաչքարերը Հայաստան վերադարձնելու ու այլ միջոցառումների իրականացմանը<sup>5</sup>: Հետագայում Մարտիրոս Սարյանի զբաղվածությունը պատճառով, նրան փոխարինում է Աշխարհբեգ Քալանթարը, իսկ գիտ. քարտուղար է նշանակվում Գևորգ Ասատուրը<sup>6</sup>:

1920 թ. դեկտեմբերի 8 և 9-ով թվագրված №100 և №101 փաստաթղթերը զեկուցագրեր են ուղղված Հայաստանի Հեղկոմի նախագահ Սարգիս Կասյանին: Երկուսն էլ ստորագրված Ալեքսանդր Թամանյանի ու Աշխարհբեգ Քալանթարի կողմից: Անիի Հնության հուշարձանների պահպանությունը հոգայու մասին №100 փաստագրում նշված է. «1918 թ. տաճիկների Ախուրյանի աջ ափից հեռանալուց հետո, տեղի թուրքերն ու քրդերը, օգտվելով տեղում որևէ իշխանության բացակայությունից, ջարդ ու փշուր արին ու փչացրին Անի քաղաքի Հնությունները, գլխավորապես այն բոլորը, որ հանդիսանում էին Անիում պրոֆեսոր Մառի ամբողջ 15 տարվա գիտական գործունեության արդյունքը: Քարուքանդի ենթարկելով Հնությունները և բնակության տները՝ ինչքը կողոպտեցին, իսկ Հնությունները կտոր-կտոր անելով, շարտեցին Անիի ձորերը»: Այնուհետև, տեղեկացնելով հնագիտական արշավախմբի կողմից Անիում և Տեկորի շրջաններում կատարած աշխատանքների մասին, խնդրում են՝ «Անին նորից կործանման ենթարկելուց փրկելու համար, բանակցել տաճիկ

<sup>5</sup> Շ ու շ ա ն ի կ Դ ա վ թ յ ա ն. Հուշարձանների հովանավորողը. – «Գրական թերթ», 21 մարտի 1980:

<sup>6</sup> Շ ու Ա. Թ ա մ ա ն յ ա ն. Հուշարձաններին նոր կյանք. Երևան, 1988, էջ 10:

իշխանությունների հետ, որպեսզի նոքա հատուկ ուշադրություն դարձնեն Անիի և առհասարակ հին հուշարձանների պահպանության վրա և առաջին հնարավորության դեպքում մեզ թույլատրեն շարունակել այդ հուշարձանների ուսումնասիրության գործը»:

№ 101 փաստաթուղթը վերաբերում է Գարեգին եպիսկոպոս Հովսեփյանի թուրքիայից Հայաստան տեղափոխվելու խնդրի կարգավորմանը: Դրանից պարզվում է, որ կոմիտեի անդամ, համալսարանի պրոֆեսոր Գարեգին Հովսեփյանը հայ-թուրքական պատերազմից առաջ գտնվում էր Կարսում և քաղաքը թուրքերի ձեռքն անցնելուց հետո գերի է մնացել այստեղ: Դիմումում խնդրվում է միջնորդել տաճիկ իշխանության առաջ՝ «թույլատրելու նրան փոխադրվել Երևան, քանի որ նրա ներկայությունը մեր գործի համար սաստիկ անհրաժեշտ է»:

Որ սովետական կարգերի օրոք Թասանյանը Երևանում էր ու գործում էր գլխավոր ճարտարապետի պաշտոնում, վկայում են 1921 թ. հունվարի 11-ով թվագրված № 102 և 103 փաստաթղթերը:

Հայաստանում փետրվարյան իրադրությունների կապակցությամբ, 1921 թ. նա ընտանյոք հանդերձ, ի թիվս մի քանի նշանավոր հայ մտավորականների, փոխադրվում է Պարսկաստանի Թավրիզ քաղաք: Այնտեղ նա գործում է իր մասնագիտությամբ, միևնույն ժամանակ, ինչպես վկայում էր որդին՝ Գևորգը, շարունակել է զբաղվել Երևան քաղաքի գլխավոր հատակագծի մշակմամբ: Հաջորդ №№ 104, 105, 106, 107 և 110 փաստաթղթերը վերաբերում են Ալեքսանդր Թամանյանին Թավրիզից Երևան հրավիրելուն:

Հայաստանի լուսժողովոմ Աշոտ Հովհաննիսյանի 1921 թ. հուլիսի 26-ով թվագրված հրավերի նամակում կարդում ենք.

«Մեծարգո ընկեր Թամանյանին

Լուսավորության ժողովրդական կոմիսարիատը ձեռնարկել է դիսական և գործնական լուրջ հիմքի վրա դնել Խորհրդային Հայաստանի տեխնիկական և գեղարվեստական կրթության գործը: Ձեր ղեկավարությունը այդ գործի կազմակերպման մեջ, ինչպես նաև Ձեր աշխատանքը Հնությանց պահպանության կոմիտեում համարում եմ դժվար փոխարինելի (ընդգծումը մերն է — Վ. Հ.): Ուստի գալիս եմ Ձեզ հայրենիք դառնալու առաջարկ անել: Ձեր գիտությունն ու աշխատակցությունը չի կարող բարձր գնահատական չգտնել Խորհրդային Հայաստանի կառավարության կողմից: Մեր շրջանում Դուք վայելում եք լիակատար վստահություն և հարգանք: Եվ դա ինձ հիմք է տալիս հուսալ, որ ստանալով սույն գրությունը Դուք չեք վարանի մեկնել Երևան և վերսկսել Ձեր ընդհատված աշխատանքները՝ նվիրված ընկերա-գյուղացիական հայրենիքի շինարարության գործին»:

Հայաստանի ժողկոմխորհի նախագահ Ս. Արապիոնյանի (Լուկաշինի) 1922 թ. հունվարի 4-ով թվագրված նամակով կրկնված է Թամանյանին ուղղված առաջարկը հայրենիք վերադառնալու մասին, որում աշխատանքի տեղ է նշված Հայաստանի ժողտնտխորհրդում (№ 108):

Թավրիզից 1922 թ. փետրվարի 12-ով թվագրված և Լուկաշինին ուղղված նամակում Ալեքսանդր Թամանյանը հայտնել է իր համաձայնությունը Երևան ժամանելու և բանակցելու (№ 109):

1923 թ. ապրիլին վերադառնալով Երևան, համաձայն արխիվային մի փաստաթղթի՝ ժողկոմխորհի քարտուղար Գ. Պարզյանի ստորագրությամբ տրված վկայականի, Ալեքսանդր Թամանյանը նշանակվել է Հայաստանի Սոցիալիստական Խորհրդային Հանրապետության ժողովրդական կոմիսարների խորհրդին և Տնտեսական խորհրդակցությանն առընթեր ճարտարապետական-տեխնիկական ծրագրային գործերի խորհրդատու (№ 111):

Նույն տարվա հունիսի 9-ով թվագրված Հայաստանի ժողկոմխորհի ուրոշմամբ Ա. Թամանյանը նշանակվել է ժողկոմխորհին առընթեր բարձրագույն տեխնիկական խորհրդի նախագահ: Փաստաթղթում նշվում են նաև խորհրդի վրա դրվելիք պարտականությունները (№ 121):

Երբ ծանոթանում ես Ա. Թամանյանի այդ պաշտոնում տարբեր բնագավառներում ծավալած կազմակերպչական բնույթի դործունեությունը, ուրոնց մշտական ուղեկիցն է եղել ստեղծագործականը (Երևանի հատակագծի մշակումը, շենքերի նախագծումը, դրանց շինարարության կազմակերպումը և այլն), մնում ես զարմացած, թե ինչպես է նա կարողացել ժամանակ գտնել զբաղվելու նաև Հայաստանի հնուկությունների պահպանության գործով, որպես նախագահ գլխավորելով հնուկությունների պահպանության կոմիտեն: Այդ հարցերով նա սկսել է զբաղվել, երբ կոմիտեն տակավին չէր վերստեղծված: 1923 թ. հունիսի 2-ով թվագրված Ա. Թամանյանի, Մ. Սարյանի և Ե. Լալայանի ստորագրությամբ մի նամակով նրանք լուսժողկոմին հայտնում են իրենց եզրակացությունը Երևանի բերդի տարածքում գտնվող Սարգարի պալատի ավերակների տեղում մարմնամարզական հրապարակ շինելու մասին. «Մենք ամսույս 2-ին տեղն ու տեղը քննեցինք ավերակները և եկանք այն եզրակացության, որ ոչ մի դեպքում թույլատրելի չէ քանդել ոչ մզկիթը և ոչ էլ պալատի մնացորդները» (№ 116):

Ա. Թամանյանը ուշադիր էր ոչ միայն հուշարձանների պահպանության, այլև այդ գործի նվիրյալների նկատմամբ: Երևանի քաղաքովումի նախագահի տեղակալին ուղղված իր նամակով խնդրում է բնակարան հատկացնել Թորոս Թորամանյանին (28 հուլիսի 1923, փաստ. № 134):

Բացառիկ արժեքավոր է Հայաստանի ժողկոմխորհի նախագահին ուղղված զեկուցագիրը Հայաստանի հնուկությունների և գեղարվեստի հուշարձանների պահպանության մասին. «Հայաստանի ճարտարապետական հուշարձանների համաշխարհային նշանակությունը շատ է մեծ և հանրածանոթ: Նոցա ուսումնասիրությամբ պարապում են եվրոպական առաջնակարգ երկրները: ...մեր գեղարվեստի զարմանալի հիշատակները թանկ են մեզ համար ոչ միայն որպես պատմական դոկումենտներ, նոքա ծառայում են նաև որպես հիմք և անսպառ աղբյուր մեր ապագա ստեղծագործությանը համար» (ընդգծումը մերն է - Վ. Հ.): Այդ խոսքերով Թամանյանը նշում է ազգային ժառանգության կարևորությունը նոր ճարտարապետության ստեղծման գործում, ինչն ապացուցեց իր սեփական ստեղծագործությամբ: «Մեր պատմա-գեղարվեստական այդ հարստությունը, - շարունակում է Ա. Թամանյանը, - պարտադրում է մեզ մեծամեծ ջանքեր գործ դնելու՝ ապահովելու համար նորա միանգամայն անձեռնմխելիությունը: Մենք կատարած չենք լինի մեր պարտքն ի դեմս կուլտուրական աշխարհի

և մեր ժողովրդի հետագա սերունդների, եթե չարտահայտենք մեր հոգածությունը ու խնամքի մաքսիմումը այդ հուշարձանների վերաբերմամբ»:

Զեկուցագիրն (1923 թ., նոյեմբերի 13, №157) ավարտվում է հնությունները և գեղարվեստական հուշարձանները պետական սեփականություն ճանաչելու մասին օրենքով (ինչպես Խալիխյուն): Հաջորդ` №158 փաստաթուղթը ներկայացնում է հնությունների պահպանման վերաբերյալ Ա. Թամանյանի կողմած դեկրետի նախագիծը, բաղկացած 11 կետերից: Հաստատանի ժողովուրդի 1923 թ. նոյեմբերի 13-ի նիստի №24 արձանագրության համաձայն, հնությունների պահպանության մասին օրենքը ընդունվում է, ընդ որում Ա. Թամանյանին առաջարկված է համաձայնություն կայացնել Լուսժողովուրդի հետ` օրենքը խմբագրելու և կոմիտեն կազմակերպելու մասին:

Լուսժողովուրդի նույն տարվա դեկտեմբերի 30-ի հրամանով Ալեքսանդր Թամանյանը նշանակվում է Հնությունների պահպանության կոմիտեի նախագահ, իսկ անդամներ` Թորոս Թորամանյանը, Սենեքերիմ Տեր-Հակոբյանը, Մարտիրոս Սարյանը և Աշխարհբեկ Լուսի Մելիք-Քալանթարը<sup>7</sup>:

Իր ղործունեությունը կոմիտեն սկսեց հուշարձանների հաշվառումից: Թորոս Թորամանյանի կողմած ցուցակում նախապես գրանցված էր ընդամենը 80 հուշարձան: Տարիների ընթացքում կազմակերպված գիտարշավների շնորհիվ ցուցակը հետզհետե աճեց` իր մեջ առնելով նաև պեղումների հայտնաբերվածները: Սկսվեցին նաև հուշարձանների լուսանկարումները, մասամբ նաև էքսպեդիցիոն չափազրուումները: Նույն տարիներին սկզբնավորվեց հուշարձանների նորոգման գործը: Առաջիններից մեկը եղավ Ս. էջմիածնի Մայր տաճարի հարավային խորանի վերականգնումը, որն ավերվել էր իր զանգակատան հետ միասին, 1921 թ. մարտի 21-ին: Խորանի ավերված գմբեթարդն ու ծածկը վերականգնվեցին Ա. Թամանյանի ու Թ. Թորամանյանի համատեղ ջանքերով<sup>8</sup>: Ա. Թամանյանին են վերագրվում Թալինի VII դարի կաթողիկեի, Վարդենիսի շրջանի XVII դարի եկեղեցու, Հաղբատի, Սանահնի և Կեչառիսի վանքերում մասնակի վերանորոգումները, Դեբեզ գետի վրա ձգված միջնադարյան կամրջի աջափնյա խելի հիմքերի ամրացումը, Հուսիսիմեի տաճարի հիմքերի նորոգման ու երերուքի տաճարի ճակատի մասնակի վերանորոգման աշխատանքները<sup>9</sup>:

Ս. էջմիածնի Մայր տաճարի հարավային խորանի վերանորոգման կապակցությամբ Ա. Թամանյանին վարձահատույց լինելու մասին է վկայում «Ալեքսանդր Թամանյան» ժողովածուում գետեղված №171 փաստաթուղթը, որում նշված է.

«Լսեցին. Տաճարի վերանորոգման հանձնաժողովի ղեկուցումը ճարտարապետ ակադեմիկոս Ալեքսանդր Թամանյանին Մայր Աթոռից նվեր տալու մասին:

7 Լ. Զ ո Ր Յ ա ն. նշվ. աշխ., էջ 249:

8 Զանգակատունը վերականգնվեց Ամենայն հայոց կաթողիկոս Վազգեն Ա-ի գահակալության օրոք, 1959-1960 թթ.:

9 Յ ո Ւ Ա. Թ ա մ ա ն յ ա ն. Քարե տարեգրության վերականգնումը. Երևան, 1981, էջ 30:

Որոշեցին. Մայր Աթոռի գանձատնից հանել և նվիրել ճարտարապետ Թամանյանին ոսկյա մի ժամացույց (առանց շղթայի), երկու հատ արծաթ-ոսկեջրած բաժակակալներ իրենց բաժակներով...»

№174 փաստաթուղթը, ստորագրված Հայաստանի ժողկոմխորհի քարտուղար Գ. Պարզյանի կողմից, հանձնարարական է Մ. Սարյանին, Ա. Թամանյանին և Ե. Շահազիզին Պետական բանկի պահեստներում գտնված թանգարանային արժեք ունեցող իրերի հետ ծանոթանալու և այդ մասին ժողկոմների խորհրդին զեկուցելու համար:

1924 թվականի ապրիլի 20-ին, Ա. Թամանյանի և Ա. Քալանթարի կողմից ստորագրված մի նամակով, դիմել են Ն. Մառին՝ Հայաստանում կատարվելիք հնագիտական աշխատանքները համատեղ անցկացնելու մասին (№190):

№№ 213, 214, 215 և 216 փաստաթղթերը լուսաբանում են կոմիտեի նախագահի գործունեության տարբեր ոլորտները: Առաջինը վերաբերում է էջմիածնի մատենադարանի շենքի ապահովմանը, երկրորդը՝ Թ. Թորամանյանի հնագիտական աշխատանքներին աջակցելուն, երրորդը՝ Երևանի Կապույտ մզկիթի վերանորոգմանը, չորրորդը՝ Ջվարթնոցի հնագիտական շրջանի պահպանությունն ապահովելուն: Հաջորդ №№ 221, 222, 223, 228, 231, 233 և 235 փաստաթղթերը վերաբերում են կոմիտեի ընթացիկ գործունեությանը: Հիշատակելի է №231 փաստաթուղթը, որը վերաբերում է Թորոս Թորամանյանին: Լուսժողկոմ Ա. Մուսվյանին ուղղված նամակում նշվում է, որ Թորամանյանը գտնվում է նյութական ծանր վիճակում և մտադիր է վաճառել իր կողմից կատարած լուսանկարները (301 հատ 13x18 սմ չափի, 448 հատ 18x24 սմ չափի): Խնդրվում է դրանք ձեռք բերելու համար կարգադրություն անել (30 հունվարի 1925 թ.):

Հայաստանի ժողկոմխորհին ուղղված էջմիածնի մայրավանքի նոր վեհարանի շենքի տեխնիկական վիճակի մասին շինարարաարդյունաբերական սեկցիայի նախագահ Ա. Թամանյանը հարց է հարուցել գրա վերանորոգման և մնացած աշխատանքները ավարտելու մասին (թվադրված է 1925 թ. փետրվարի 18): Նույն սեկցիայի անունից Ա. Թամանյանը Անդր-ներառժողկոմատի առաջ հարց է հարուցել արժեքավոր գորգերի արտահանումը դադարեցնելու մասին: «Տեղեկություններ ունեմ, — գրում է նա, — որ Երևանում և ուրիշ վայրերում մասնավոր անձեր գնում են գորգեր Հայաստանի սահմաններից դուրս տանելու նպատակով: Կարծում եմ, որ գորգերի չհսկվող արտահանումը պետք է արգելվի, քանի որ ծրագրված է Հայաստանում կազմակերպել տնային գորգագործություն, որի համար մնացած գորգերի լավադուլյանները պետք է ծառայեն իբրև օրինակ» (№242, 4 մարտի 1925 թ.):

1925 թ. ապրիլի 15-ով թվագրված №250 փաստաթուղթը վկայում է, որ Հնուկությունների պահպանության կոմիտեն արգելել է Արտաշատ (Վերին Արտաշատ) գյուղի մոտակայքում գտնվող «Հնուկություններից մնացած հողակույտերը (Դվինի քաղաքատեղիի կավաչեն պարիսպների մնացորդները) երկրագործական նպատակով օգտագործել մինչև որ հիշված Հնուկությունները կենթարկվեն հնագիտական ուսումնասիրություն»:



№ 256, 1925 թ. մայիսի 16-ի նամակով, լուստողկոմ Ա. Մոսովյանին ուղղված նամակով Հնուլթյունների պահպանության կոմիտեի նախագահը մեկ անգամ ևս հարց է հարուցում հայկական պատմական հուշարձանները այլ վայրերից Հայաստան բերելու մասին: Ստորև բերում ենք գրա ամբողջական բովանդակությունը. «Հայաստանի Հնուլթյունների կոմիտեն պարտավորություն ունի մի կողմից պահպանել և ուսումնասիրել Հանրապետության սահմաններում գտնվող պատմական հուշարձանները, մյուս կողմից հավաքել զանազան ժամանակներում երկրի տարագիր եղած այն պատմական բեկորները, որոնք գտնվում են մեր Հանրապետությունից դուրս, ուրիշ թանգարաններում: Այգպիսի փորձեր արել է Վրաստանը՝ ռուսական թանգարաններից Թիֆլիս բերելով վրաց պատմությանը վերաբերող նմանօրինակ հուշարձանները: Ազդեցված կատարում է նույնը: Ժամանակն է, որ Համապատասխան քայլեր արվի և մեր կողմից:

Այս կարևոր խնդրի մասին կոմիտեն որոշեց խնդրել Ձեր թուլյությունը, թե կարող է նա, որոշելով, որ ներկայումս Լենինգրադում է դնվում գիտնական քարտուղար ընկ. Քալանթարը, գրել նրան այդ ուղղությամբ նախնական աշխատանքներ կատարելու, թե ինչեր կան Լենինգրադի և Մոսկվայի թանգարաններում, որոնք կարելի է բերել տալ Հայաստան և անել Համապատասխան դիմում նրանց մասին»: Հաջորդ՝ № 257 փաստաթուղթը (3 հունիսի 1925 թ.) նախահաշիվ է ա) Արագածի հարավարևմտյան և Շիրակ, բ) Լոռի-Փամբակ գավառ, գ) Դվին-Արտաշատի շրջանները դիտական արշավախմբեր գործուղելու ծախսերի մասին:

Էջմիածնի գավգործկոմի ուղղված 1925 թ. հունիսի 11-ի նամակով Հնուլթյունների պահպանության կոմիտեի նախագահը խնդրում է Եղվարդում արգելել նոր եկեղեցու կցակառուցումը, «որը չքացնում է կարևոր հնուլթյունը (խոսքը վերաբերում է գյուղի կենտրոնում գտնվող XIII դարի եռաստիճան գամբարան-եկեղեցուն – Վ. Հ.)»: Նույն հարցով կոմիտեի անունից (ստորագրությամբ Ա. Թամանյանի ու իր գիտական քարտուղարի պաշտոնակատար Գ. Լևոնյանի), մի դրույթուն ուղղված է Էջմիածնի հոգևոր խորհրդին: «Կոմիտեի հասած տեղեկություններին նայելով, – նշված է գրությունում, – Եղվարդ դյուղում, պատմական արժեք ներկայացնող մատուռին կից տեղացիք կառուցում են նոր եկեղեցի, որով ծածկվում և փակվում է այդ մատուռի արևմտյան ճակատը:

Կոմիտե սիր առանձին գրություններով Էջմիածնի գավգործկոմին և Աշտարակի իր ներկայացուցչին հրահանգել է միջոցներ ձեռք առնել առժամանակ դադարեցնելու շենքի կառուցումը, մինչև որ կոմիտեի կողմից այնտեղ կգա հատուկ լիազոր՝ տեղնուտեղը տնօրինելու, թե ինչ կերպով կարելի կլինի կառուցել եկեղեցին, առանց վնաս հասցնելու մատուռին:

Խնդրում ենք Գեղարքունի հոգևոր խորհրդին իր բարոյական ազդեցությունը այս գործում, բացատրելու գյուղացիներին կոմիտեի իսկական նպատակը» (№ 261):

Ա. Թամանյանը հանգես է եկել նաև Հայաստանի սահմաններից ապօրինաբար գուրս հայտնված ու Նախիջևանի Ինքնավար Հանրապետության կարգավիճակ ստացած տարածքում գտնվող հայկական հուշարձանների պահպանության դիրքերում: Այգ մասին է վկայում լուստողկոմ Ա. Մոսով-

յանին ուղղված, 1925 թ. օգոստոսի 20-ի նամակը: «Ազուլիսի նշանավոր հուշարձանը՝ Թովմա առաքյալի վանքը, — դրված է նամակում, — գտնվում է տեխնիկական վտանգավոր վիճակում: Նրան կործանումից փրկելու համար մոսկվաբնակ մի ազուլեցի իր վրա է վերցրել այդ հուշարձանի պահպանության և վերանորոգման ծախքերը:

Կոմիտես, թեմական խորհրդի հետևանքով, մանգատ է տվել վանքի վանահայր Տեր Նիկողոսյանին և հրահանգ նորոգումները կատարել միմիայն կոմիտեի գրուեթյամբ և ցուցումներով: Բայց, որպեսզի այդ կարևոր գործում Տեր Նիկողոսը գտնի անհրաժեշտ աջակցություն տեղական իշխանության կողմից, խնդրում եմ ժողկոմխորհին այդ խնդրի վերաբերյալ անել համապատասխան դիմում նախկրայի (Նախիջևանի ինքնավար Հանրապետության — Վ. Հ.) կառավարությունը» (№ 267):

Ստորև հիշատակելով փաստաթղթերի մի շարք, համառոտակի նշեմ դրանց բովանդակությունը: № 277-ը վերաբերում է Հռիփսիմե և Գայանե տաճարների պահպանությունն ապահովող նոր որոշմանը, № 300-ը՝ Գառնիի և Տրդատաբերդի շուրջը եղող այգին կոմիտեի իրավասությունը հանձնելուն, № 301-ը՝ Ծաղկաձորի հուշարձանները պահպանելու համար նյութական օժանդակություն տրամադրելուն, № № 305—306-ը՝ Հովսեփ Օրբելուն Երևան հրավիրելուն, № 308-ը՝ Սևանի շրջակայքում Սենեքերիմ Տեր-Հակոբյանի հայտնաբերած հիերոգլիֆյան արձանագրություններին, № 310-ը՝ այլ կազմակերպությունների կողմից Հայաստանում հնագիտական աշխատանքներ կատարելու կարգավիճակին ու այդ գործում կոմիտեի դերին, № 314-ը՝ նորից Հռիփսիմե վանքի պահպանությանը, № 315-ը՝ Սանահնի կամրջի վերանորոգմանը, № 317-ը՝ Կովկասի պատմահնագիտական ինստիտուտի կողմից Հայաստանում դիտահետազոտական աշխատանքներ կատարելուն, № 323-ը՝ Արմավիրում կատարվելիք պեղումների հանձնաժողովի կազմին, № 324-ը՝ Կովկասյան պատմահնագիտական ինստիտուտի միջև կնքած պայմանագրի նախադժին, № 330-ը՝ ուղղված Պետհրատին՝ կոմիտեի «Օրագիր» պարբերականը, Թ. Թորամանյանի «Զվարթնոց», Ա. Խաչատրյանի «Խուրրի Միտանյան ժողովրդի պատմությունը» և Երվանդ Շահազիզի «Հին Երևանը» աշխատությունների հրատարակմանը:

Ա. Թամանյանն աջակցում էր հայկական ճարտարապետության վերաբերյալ աշխատություններ հրատարակող գիտնականներին (նաև օտարագրի), այդ առումով ուշագրավ են № № 335 և 336 փաստաթղթերը: Դրանցից առաջինը Սորբոնի համալսարանի պրոֆեսոր Անրի Ֆոսիլիոնի նամակն է՝ ուղղված Ա. Թամանյանին, թվագրված 1928-ի նոյեմբերի 27-ով:

«Պարոն և սիրելի արվեստակից,

Պարոն Բալտրուշայտիսը ինձ հանձնեց Ձեր շատ գեղեցիկ նամակը, որի համար ես շտապում եմ հայտնել Ձեզ իմ շնորհակալությունները: Նա ինձ ասաց նույնպես այն բոլորը, ինչ որ նա պարտական է Ձեր մեծ գիտությունը, որից մենք օգտվում ենք, մի քանի թանկագին պլանների և գեղեցիկ լուսանկարների համար: Դուք շատ եք աշխատել նրա աշխատանքն ավելի հաստատուն և արդյունավետ դարձնելու համար, որքան հնարավոր է, դրա համար ես Ձեզ երախտապարտ եմ: Ձեր շնորհիվ և հնագիտական ընկերության (կոմիտեի) շնորհիվ մենք Սորբոնում կունենանք ամենահա-

րուստ և ամենագեղեցիկ նյութերը, ինչ որ տալիս է արվեստի պատմութ-  
յունը: Կարող ենք արդյոք մենք Ձեզ խնդրել, հաղորդելու պարոն Աշ-  
խարհաբեկ Քալանթարին մեր շնորհակալության զգացմունքները իր գի-  
տության և ազնվության համար:

Ես Ձեզ խնդրում եմ, պարոն նախագահ, իմ անկեղծ շնորհակալություն-  
ներով հանդերձ ընդունել իմ խորին անկեղծության հավաստիքը:

Անրի Ֆոսիլին

Փարիզի համալսարանի պրոֆեսոր»:

Դրան հաջորդող № 336 փաստաթուղթը թվագրված է 1928 թ. դեկտեմ-  
բերի 5-ով, Յուրգիս Բալտրուշայտիսի<sup>10</sup> ուսերեն նամակն է՝ ուղղված Ա.  
Թամանյանին:

«Մեծարգո և թանկագին Ալեքսանդր Իվանովիչ,

Շտապում եմ հեռավոր երկրից Ձեզ շնորհակալություն հայտնել այն  
Հյուրընկալության համար, որն ինձ անհրաժեշտ էր և որը կարող եմ գնա-  
հատել միայն այժմ:

Դուք գիտեք, թե որքան կարևորություն է տրվում այժմ Հայաստանի  
ուսումնասիրմանը և մենք պարտական ենք Ձեզ Ձեր նախաձեռնած կոնկ-  
րետ քայլերի համար: Պարտ եմ հավաստիացնել, որ սկսված գործը չի  
խամրի:

Ինչ վերաբերում է ինձ, ապա, ես բարեհաջող հասա մինչև իմ տուն և  
հիմա չարչրկված եմ շատ շտապ ու կարևոր գործերով, որոնք խանգարե-  
ցին անմիջապես Ձեզ գրելուն: Հիմա այդ բոլորը փոքր-ինչ հանդարտվում  
է, և ես կարող եմ հանրագումարի բերել Ձեր կողմերում կատարած իմ աշ-  
խատանքի մասին: 600 լուսանկարները ստացվել են շատ հաջող, կլրացնեն  
մեր հավաքածուն և մի շարք արժեքավոր փաստեր ուժեղացնում են  
նրանց արժեքը:

Մեծ բավականություն եմ հիշում Երևանյան օրերը և հուսով եմ հա-  
ջորդ տարի կուտակել ևս մի քանի հիշողություններ...

Յուրգիս Բալտրուշայտիս»:

Կարևորում եմ նաև Երերույքի տաճարին վերաբերող, 1928-ի դեկտեմ-  
բերի 16-ով թվագրված № 338 փաստաթուղթը: Դա կոմիտեի նախագահ Ա.  
Թամանյանի գրությունն է, ուղղված ժողկոմխորհի նախագահին՝ Երերույ-  
քի տաճարի սլաշպանմանն աջակցելու մասին: «Տաս օր առաջ, — հայտն-  
վում է նամակում, — ցրտերի պատճառով ընդհատվեցին Հնությունների  
պահպանության կոմիտեի կողմից ձեռնարկված Երերույքի բազիլիկայի  
նորոգման աշխատանքները, որոնք կատարվում էին հոկտեմբեր-նոյեմբերի  
ընթացքում և որով այդ տեսակի հուշարձանն ապահովվեց կործանման  
վտանգից»:

Բարձր գնահատական տալով հուշարձանին, հայտնում է, որ Լենինա-  
կանի երկրաչարժի (1926 թ.) հետևանքով այն վտանգավոր ճեղքեր է ստա-

10 Ծագումով լիտվացի է, մասնագիտությամբ՝ արվեստագետ: Ավարտել էր Փարիզի  
Աորբոնի համալսարանը, գասպանդել Կառնասի, Սորբոնի, Լոնդոնի և Նյու Յորքի հա-  
մալսարաններում: 1927-1928 թթ. այցելել է Վրաստան և Հայաստան: Հեղինակն է Քրան-  
սերեն լիզվով Փարիզում լույս տեսած «Վրաստանի և Հայաստանի արվեստը» (1929 թ.) և  
«Հատվող կամարների պրոբլեմը և Հայաստանը» (1936 թ.): Հայերեն թարգմանությամբ  
լույս է տեսել (Երևան, 1973 թ.):

ցել ու ներկայումս նրան կործանում է սպառնում: «Մինչև այժմ նորոգումների վրա ծախսված է 3791 ուղբլի, որից վճարված է 1650 ուղբլի, մնում է վճարել 2141 ուղբլի»: Վերջում հայտնվում է, որ «կատարված աշխատանքներով պետք է ապահովված համարել հուշարձանի գլխավոր մասի կայունությունը, իսկ նրա ընդհանրապես խախտված մասերի վերականգնումը մնում է եկող տարվան»: Կնշանակի երբեուրքի տաճարի մասնակի վերանորոգումները տեղի են մինչև 1929 թվականը:

Հնությունների պահպանության կոմիտեի գործունեության վերաբերյալ մնացյալ փաստաթղթերը թվագրված են 1929–1933 թվականներով (մինչև իր մահից երեք տարի առաջ): Դրանցից № 341-ը, թվագրված 1929-ի հունվարի 18-ով, ուղղված լուսժողկոմ Ա. Մուսվյանին՝ խնդրանք է արգելել եկեղեցիներն իրեն ակումբ օգտագործելը, № 342-ը՝ ուղղված Թալինի շրջգործկոմի նախագահին, շրջանի հնադարանի վիճակը բարելավելուն, № 345-ը՝ Դիլիջանի գավառի Պողոս-քրիստոս գյուղում բացված դամբարանային իրերի ցուցակը կոմիտեին ուղարկելուն, № 345-ը՝ Ոսկեպարի տաճարի լուսանկարը ու տեղեկություն վիճակի մասին, № 351-ը՝ Ռուսաստանի լուսժողկոմին առընթեր գործող Կենտրոնական պետական վերականգնման արվեստանոցների ղեկավար Իգոր Գրաբարի նամակն է՝ աշնանը Հայաստան ժամանող գիտարշավի, դրա կազմի մասին: № 352 փաստաթղթում, թվագրված 1929 սեպտեմբերի 13-ով, Ա. Թամանյանն իր ուրախությունն է հայտնում ակադեմիկոս Ի. Գրաբարին իր գլխավորած մասնագետների խմբով Հայաստան ժամանելու համար, խոստանում է ծանոթացնել հետաքրքրող նյութերին, մասնավորապես հին հայկական ձեռագրերին ու գրանցում պարունակվող դեկորատիվ արվեստի նմուշներին:

Իգոր Գրաբարին Ա. Թամանյանն իր 1930 թ. մարտի 8-ի նամակով (№ 367) խնդրում է մասնագետ գործուղել Երևան վերականգնելու համար 1131-ով թվագրված նորահայտ մի որմնանկար (հայտնաբերվել է իրացման ենթարկվող Երևանի Պողոս-Պետրոս եկեղեցու բազմաշերտ որմնանկարների երրորդ շերտում):

Ն. Յա. Մառին ուղղված նամակով (№ 299, 25 մարտի 1930 թ.) Թամանյանը խնդրում է միջոցներ ձեռք առնել, որպեսզի Թիֆլիսում գնված և Մոսկվա փոխադրված կրիկյան հայ նկարիչ Սարգիս Պիժակի ձեռագիրը պահվի երկրի սահմաններում: Ն. Յա. Մառին 1930 թ. հոկտեմբերին ուղղված նամակով (№ 376) լուսժողկոմ Ա. Եղիազարյանն ու Ա. Թամանյանը խնդրում են հանձն առնել հին Վաղարշապատում կատարվելիք պեղումների (որոնք սկսվել էին 1931-ի գարնանը) գիտական ղեկավարությունը:

Ժողովածուի վերջին փաստաթուղթը (№ 380) նամակ է 1931-ի նոյեմբերի 20-ին՝ ուղղված Հայաստանի ժողկոմխորհի նախագահ Ս. Տեր-Գաբրիելյանին, իսկ 381-ը՝ կոմիտեի հատուկ հանձնաժողովի նիստի արձանագրությունն է: Առաջինում հարց է հարուցվում Երևանի բերդի մնացորդների պահպանության մասին ներկայացնելով մասնագիտական առաջարկներ, իսկ երկրորդում կինոթատրոնի (հետագայում «Մոսկվա» կոչված) կառուցման կապակցությամբ Պողոս-Պետրոս եկեղեցու իրացմանը: Կոմիտեի կողմից առանձնացված մի հանձնաժողովի կողմից տեղում կատարած ուսումնասիրությունից պարզվել է, որ եկեղեցու քանդման և կինոյի կա-

ոուցման հետ կապված հողային աշխատանքները կատարվել են առանց մասնագետների կողմից հնագիտական հսկողություն: Այդ պատճառով, մշակույթի բազմապիսի արժեքներ ոչնչացվել են: Որոշ վնասներ են պատճառվել նաև եկեղեցու ներսում եղած որմնանկարներին<sup>11</sup>: Կանխելու համար հետագա սխալները, հանձնաժողովը յոթ կետից բաղկացած հանձնարարականներ է արձանագրել՝ ստորագրությունը Ա. Թամանյանի, Ա. Քալանթարի, Երևանի գլխավոր ճարտարապետ Ն. Բունիաթյանի, Երևանի նորաստեղծ շինարարական ինստիտուտի տնօրեն Մ. Մազմանյանի, գիտնական Մորուսի (Մորուս Հասրաթյան – Վ. Հ.) և աշխղեկ Հ. Շահնաղարյանի:

Զարմանք է պատճառում, թե ինչպես է նա կարողացել համատեղել իր բազում սեփական-կաղմակերպչական պաշտոնները ծանրաբեռնված Երևանի վերակառուցման գլխավոր հատակագծի մշակման աշխատանքով (որն ավարտից հետո՝ 1924-ին Հայաստանի ժողկոմխորհի կողմից հաստատվել է): Միաժամանակ մշակելով Հայաստանի Կառավարության տան, ժողտան (Օսկերայի և բալետի թատրոնի), Երգչս-1-ի, Հանրային գրադարանի, Աստղագիտարանի, Երևանի Պոլիտեխնիկ ինստիտուտի №1 և №3 մասնաշենքերի, Անասնաբուժական-անասնաբուժական ինստիտուտների, Բժշկական ինստիտուտի անատոմիկոմի և բուժական մի քանի շենքերի ու այլ նախագծեր:

Հիրավի սխրանք կարելի է համարել իր ժողովրդի պատմական մեծ վերածննդին Ալեքսանդր Թամանյանի մատուցած ազգանվեր ծառայությունը:

11 Որմնանկարների արժեքավոր շերտերը հանվել, ամրացվել ու թանգարանացվել են: